

高明縣志卷之二

地理志

普天之下莫非王土高明遠處天末濱於南荒乃車書內之封域也明成化未析以前荒野榛棘自建邑而後有城郭以衛官民分疆理以供賦役山焉屏峙水焉襟帶市鎮錯居人煙相接土風物產皆煥焉改觀是用備志之以俟觀風者之採擇作地理志

疆域

本縣封疆延袤一百九十里東西相距一百二十里南北相距七十里東至廣州府南海縣鎮涌堡界五十里西至

高明縣志

卷之二

地理 疆域

一

本府新興縣丫髻嶺界七十里南至本府鶴山縣古勞都藥逕界與赤木逕界俱五十里北至本府高要縣倚嶺百花山界二十里東南至鶴山縣古勞都藥山逕界四十里東北至高要縣官棠甲界四十里西南至鶴山縣雙橋都界五十里西北至高要縣白土都界五十里至府城陸路七十里至省城水陸二百四十里至京師水陸七千二百八十里

形勝

自庾嶺南下西折數百里分人高明境中隱起三玉山北枕慶林南瞻鹿崗西樵東鎮香山西環蒼溪襟帶孚城

東洲關鎖乎下流羣巒拱翠四時鬱葱亦一邑之奇觀也
迺若山林險阻則南有赤木赤麻藥逕三峯坳廷接鶴山
西有石船逕大下石仔肋川塘逕控扼新興北有錢窟古
道官逕津通高要諸處上下山阪號稱要隘高明形勝大
略備矣

八景 附

東洲春浪

在城東三里舊有東洲寺光緒十六年改建東洲書院

徐純詩誰能開設此泉坻造化神工景自奇東郭回巒青
入座西樵倒景綠生楣孤舟雨外龍門過夾際雲間虎渡
遲元謂寸心求不負疏慚安望燕然碑
李其蕃詩東望叢林景自幽暖翻桃浪翠雲浮水分夾
依平岸洲控長江占上流乍覺條風飛雪練似看屋氣春
潭湫春深想有魚龍躍爲報絲綸早著鈎

高明縣志

卷之一

地理形勝

一一

王洋同羅虛川先生遊東洲詩放筏平沙渚開尊香積廚
三山點蒼玉一水出明珠執禮環諸彥談心會宿儒且看
春事足禾麥遍郊墟
區式金再遊東洲詩東洲幽賞地不厭客來頻流水看時
輩青山識故人鳥聲行處有花氣坐來親拂干石驚
魚動綠蘋
楊而奮東洲秋望詩落木晚蒼蒼開襟割大荒秋陰縈草
白初月滿江黃一笠人催渡千檣雁叫霜年年倚長笛來
往水雲鄉
區郁如詩寒流清淺繞珠宮春半桃花浴浪紅昨夜新雷
連雨急我來隄畔數魚龍
楊一枝東洲寺詩清梵三時響粥魚亂花空發老僧居危
欄曲處青山露一桁斜陽曬佛書
梁炳宸詩春江春暖浪悠悠勝擅蓬瀛第一洲銀屋瀝洄
籠岸齒雪山蕩漾波頭千層若帶烟光湧萬疊疑吞屋
氣浮可奈微軀猶俗礪何如天地一沙鷗
慶林秋風 在城北百餘步宋儒譚惟寅建書院於其上
莫如忠詩野逕通城北危峯疊翠屏一林深古秀千仞鬱
葱青秋氣來蒼莽風聲出窈冥昔年講學地何日復談經

李桂芳詩蕭瑟涼風至蒼山氣象森商聲流別浦秋色老
寒林日落修梧冷楓飄古道深當年下帷者清籟壯高吟
楊法先慶林山秋眺詩北郭青山淨開門雁影來遠窮無
礙境坐想不羈才草徑澹秋迹風林起暮埃靜聞鄰梵動
吟嘯亦悠哉
區郁如詩僧房蕭瑟夜燈孤風到秋林萬木枯湖海十年
羈旅客歸心曾否憶蓴鱸
羅縝詩山色四時佳當秋氣逾爽流覽招提間遠景若在
掌孜孜媚學人芳躅今何往三歎有餘思金風過林響

粵臺白鹿

在城西十五里昔傳粵王遊獵於此遇一白鹿故名

謝大振懷古詩山迴阜幕水蒼步中有高臺舊雄踞荆榛
瓦礫幾何年尚遣風雷長守護何人築此當地軸老夫南
武乘黃屋西甌東越攝兵威獻瑞銘功獲神鹿五色光輝
未是祥中原逐鹿歸咸陽陸賈南來朝漢築滄川珠海遙
相望嗚呼龍川故吏乃稱制復願為臣事漢帝竊號稱藩
非兩人龍驤屈隨時勢當年時勢已渺茫君不見粵臺
漢殿俱荒涼獨餘霸氣未銷蝕狂靈陰雨磨青蒼
區郁如詩中原鹿已屬高才猶見蠻王逐鹿來澗草細迎

高明縣志

卷之一

地理形勝

三

驄馬綠秋雲斜颭翠旗開於今霸業無遺土終古青山尚
有臺太息興亡總陳迹年年風雨長莓苔
雷際泰詩南越銷沈幾度秋荒臺不復舊風流呦呦鳴鹿
猶聞否一片嵐光萬古幽

官逕青驄

在城北十里

謝旻禧詩石磴紆迴出翠微誰從上路儼驂騑花明玉勒
通幽徑露拂寒韉點繡衣劍珮聲隨飛鳥渡驂騑身逐暮
雲歸嘶風一路千山應何用登臨怨落暉
嚴之炯詩高展霜蹄入逕來金鞭遙拂霧雲開百花山畔
人相望頻道桓家御史回

朋峯卓筆

在城北十里

崔庚詩奇峯連峙郭之西並秀天然莫與齊夢繞江花添
一管光搖銀漢吐雙霓相擎日月千山遜對舞龍蛇萬壑
低指顧雲浮箋五色何年濡墨共高題
程達詩雙峯插漢翠相連對舞銀毫若比肩染翰已同沾
湛露生花還共帶晴煙平書雁字誰工拙倒寫雲箋孰後
先文陳馳驅須並駕光芒萬丈耀南天

區燦如詩地豚城西勝 峯碧 標銀管峭直寫彩
雲巔春至花疑夢冬來雪作箋兩暄初潑墨雁度欲書天
兩峙文光燦千年秀氣傳鍾靈應有自藻績接前賢
區崑猷詩天生雙管峙塵寰靈秀平分伯仲間莫道中書
毫已禿春來染翰更爛斑

鹿峒開屏

地城西南十五里

王載望詩溪南如畫一山橫共道雲屏簇族生三月有花
紅映玉滿簾皆樹綠環城收將翠色歸青眼隔斷塵囂現
太清秋老夕陽移雁字卻疑唐室舊題名
劉汝章詩翠屏巖開遙向層城拱鹿去崗空存牛羊踏
荒壘坐想六大峯終朝雲霧滃安得點蠅毫繪出景萬種

金灣旭日

雷際泰詩旭日東升處金灣俯照時釵形環水轉珥影入
波遲路接扶桑近人從若木低吾民勤視旦非特訝觀奇
阜幕凌雲 在城南四十里

高明縣志

卷之一

地理 形勝

四

譚南昌詩高出層巒紫翠岑氣蒸銀漢畫陰陰四方欲愜
爲霖望五色須懸捧 心且看從龍晨出岫莫教隨鶴夜
歸林三農更感豐年澤壤擊還聽雅頌音
莫子捷詩綿邈連羣秀崇隆積翠濃興雲能潤物平地起
高峯寶藏開泉府諸山列附庸生耽山水癖 屐屨 相從
羅績詩才士氣凌雲僅博一阜蓋山勢如穹廬蒼蒼連彼
界亦逞凌雲奇毋乃失品槩爲霖自有時且畱作山帶

山

青玉山在城內縣治宸之山形如龜溯水

識云水浸龜頭
出狀元明萬歷

十年知縣張佐治開
西門迎西溪以應識

碧玉山在城內學宮宸之

麥而炫登碧玉山詩碧玉山頭紫氣浮閒携謝屐數來
遊幽禽向客如相問野草牽衣似欲畱俯睇千山煙樹
合憑高一曲海天秋明時奎璧誰先兆白石歌殘憶飯
牛 羅守昌詩碧山瑞聳擬羅浮探勝同躋躡屐遊雁

塔層霄霞彩護塵光出浦海珠留參天玉筍雙峯麗浴
日金灣一水收仰睇星河應咫尺乘槎因得問牽牛

蒼玉山在城內原預備倉當其麓倉今廢

李其蕃三玉山賦并序明邑雖僻處一隅邑內之山有
三五余生長於斯所夕玩眺或載酒飛觥或攀筇掃石
續墨客之瓢延高人之屐使千古陰陽不淪寂寞六隄
佳况盡入包羅則山不必其出玉而玉自可以名山賢
士大夫凡佩玉自貴者殆於茲山若作之合乎爰爲之
賦曰夫何坤軸之多奇蔚三山而秀峙奠百里之丕基
縮五行之宏紀物象於焉改觀黎民因之爰止雉堞壯
夫檀檀紘網植其靡靡淑景偕草木生香瑞色與琳琅
競美若嬰垣及龍輔巨山澤而聯輝擬結綠與懸黎曷
殊珍之足比載攷山青玉蓋來自倭國更披茗譜藍
玉實產於靈阿讀平陽碑蒼玉龍蟠虎踞覽肅之贊藍
田月鏡星羅巴州古洞千尋興國石桃百顆保縣發冉
冉豪光浮五取燐燐陰火入夜猶妍曾見鎮原之中禱
雨特驗又說滿城之左洞天有玉筍之竒聞福地著玉
樹臨風羨酒豪玉筍聯班推上客謝晦或并其丰神裴

高明縣志

卷之一

地理山川

五

楷庶幾其潤澤往往博稽於前帙類多指玉以爲名玉
山之號洵非一胡爲三玉又同稱豈真禪卓錫之阿抑
天帝玉之精勝獨擅乎一邑值已倍於連城魚鹽雜
還於槐煙火環照夫雕甍游俠吳歛越唱士女伐鼓
調笙弦誦時聞於暇日桑麻已幸其深耕漸臻富庶之
盛遂從禮義之經乃有花封秀映厥玉爲青南薰解阜
和我琴聲居中立極厥玉爲碧藹藹菁莪紛披洋域日
出東方厥玉爲蒼梧桐生矣兆應朝陽色因方而自辦
名叶義而非誣氣結地靈猶是匱申之韞祥中人瑞奚
殊善價之沽河洛之品堪誇歐陽之藏孰踰乃苦和風
柳拂日暖桃開吐紫氣於蒼皓納煙光於碧臺此玉之
當春而温乎懸草鋪金飛泉漱石梅雨灑竹林之青榴
火垂丹荔之赤此玉之當夏而潤乎桐飄金井菊綻巖
莊視零露之方白倚蒹葭而黃此玉之當秋而瑩乎
寒梅破萼艷雪殘苔竹箭之節孤擎松柏之姿不改此
玉之當冬而潔乎感四序之流易識萬化之升沈念人
生之行樂遂卽境以問心於是陟崇崖周曲壑步奎亭
探碧落待新月以高調引清風而緩酌挹嶺外之流霞
聽採問之野鶴最愛玉圃芝蘭敢忘他山石錯西瞻泛
斗之槎東望祝釐之閣南開而鹿峒蜿蜒北接而朋峯

嶻三峯挺峙兮玉爲名琳琅振起兮鬱豪英地靈人傑
兮光文明珠爲唾兮金爲聲天風鼓兮海濤鳴
皇途躒賦鏗旬封茲山兮衣錦榮千秋作鎮兮利永貞
羅縝三玉山歌巨靈何年伸一臂擎出三山鼎足置葱
葱鬱鬱氣佳哉隱爲金湯壯雄勢孚勝理勝知有無但
見燈光時起燭天地花朝月夕一登臨足快酒人詩婁
意蒼蒼玉峙城東烟含露滴常龍窠背陰絕鮮藏蛇藟
向宜栽栖鳳桐林鴉已散泮藻茂碧玉如簪插堂後
此山雖異魯東山弟子絃歌徹左右塵世玉巒未足方
要與仙都岱輿作領袖簡庭間鼓必琴一絃一曲寫
冰心忽見翠眉列開窓挹遠岑維岑青玉巒凡品愛照
賢俟樂易襟回看蒼碧去不遠錦帳峩峩天半展帝觴
百神走山靈賜爵三公定首簡吁嗟乎山不產玉玉名
山豈無清淑萃其間變石爲玉古有誌况質甚秀而非
頑朝見三山暮見三山握瑜懷瑾將何以無媿乎附郭
之孱顏

慶林山在城北百餘步邑城之來龍主山也樹木森秀爲

入景之一

高明縣志

卷之二

地理 山川

七

春富山在城北里許壁立稜層上有石巖巖花方春尤盛

故名

文峯在城南三里學宮之面山也其峯稍平知縣周瓚訓

導陳盜邑人楊孟芳高之峯如筆卓故名

官逕山在縣北十里自城至郡必經之路也逕長二十里

中有五峯形如驄馬爲八景之一

朋峯在縣北十里兩峯並峙形如朋字故名又名二童觀

書邑城之少祖山也爲八景之一

鹿崗山在縣西南十五里高三百餘丈拱向縣治羅列如

屏爲八景之一又邑圖稱狀元旗起於西南者卽此

龍虎山在縣治西南十里餘兩山相峙左一石盤如龍右

一石蹲如虎 有活泉不涸歲大旱往禱輒應

明徐純詩山城寂寞訪登臨歲暮江天懶息陰龍虎相
從朝聖域風雲交際護儒林懸崖几席酬煙景空谷笙
歌寄足音獨憶巖花長垂綠何年更慰別離心 邑人
譚甲魁詩磊落嶙峋雨異山美名藉藉著人寰乘臨探
得風雲槩猶在天門鳳闕間 石壁多題句乾隆年間
江南進士檀萃來訪知縣霍儀泰同會榜友也遊龍山
七絕亘牙巨口勢蟠天寂歷郊原隱霧煙知有崢嶸頭
尺木雲霄飛去定何年又幕友明經張瑄題句重陽此
日幸同君探勝層崖不憚勤龍虎
豔傳佳勝地還占際會慶風雲

表山在城西二十里大幕良村二都高二百餘丈覆二十

里高出眾山之表少南有蟾蜍徑舊爲官軍防守處

歌樂山與表山相接高覆與表山同峯巒聳秀四時風聲

高明縣志

卷之二

地理 山川

八

清如音樂故名

雲宿山在文儲都鶴山縣界高數百丈頂有石基址刻正

陽門三大字甚古相傳仙人遺跡

千歲山在朱塘都形勢突兀與文儲山相接

文儲山在文儲都羣峯稜層上有飛泉下注成淵名曰聖

潭禱雨輒應宋寶慶間麥夢協讀書其上扁以種學

麥鳳岐九月九日署中有懷文儲山先侍郎讀書草堂
詩冷暑寒香透畫櫺空辜佳節酒還醒插莢此日懷諸
弟典禮當年憶舊型種學堂前書帶綠武陵溪口筆峯
青十年宦海浮沉我匏繫將終負一經
謝大振夏日登文儲山尋種學堂詩百仞盤空鳥道幽
塵寰誰信有丹邱煙霏岫幌千重碧泉落巖扉五月秋
遶麓人家斜照裏出雲經閣亂峯頭
當年種學人何在賸有松濤萬壑流

老香山在城西北五十里布社塘華二都高五百餘丈延

袤五十里產香樹竹木

有雲西巖大書無生普鏡心報恩在八字尚存

粟砦山在城西南四十里文儲都高數百仞其形巖然中

有石壁飛瀑下流成潭名武陵溪

舊志按一統志云奢山南有粟砦山產山

棗葉似梅果似荔枝九月熟多錦鳥鮫魚又有元鈎鳥鳴則雨至郡國志亦云砦山在奢山南今乃在奢山西

北云南誤也

白鶴岡在城東南五里邑之下關也宜建浮屠其上

狗坑嶺在城南五十里路極峻險通鶴山逕道

饅頭嶺在城西南五十里路通鶴山

明崇正七年強賊晝劫唐際村知縣郭斌

選親督官兵鄉勇追賊至此斬賊首張亞金等二十餘徒

高明縣志

卷之二

地理 山川

九

鳳山在楊梅都其形如鳳高三百餘丈覆一里水石清麗

林木葱蒨

阜幕山在城南四十里舊志云卽奢山在楊梅都從鶴山

崑崙山下向清泰都與藥逕相接高千餘丈延袤百餘

里徭居之

宋王象之輿地紀勝引寰宇記云上有丹砂夷人語訛砂爲奢

龍岡在城南三十里一名龍崗一石方二丈餘曰聚仙臺

又有三生石上有雲竇水注而下飛瀑如簾分流左右

達鐵橋澗入大小龍井右繞聚仙臺出天池沿澗產九

節菖蒲

大清一統志府志

南海鄺郊詩洞口煙消素薄開鐵橋西上聚仙臺二生夢覺龍猶睡九轉丹成鶴未來雲竇花迷香標縵天池

人醉影徘徊養真恰有瓊
宮在一榻還應借老回

雲岫嶺在城東南四十里田心都接鶴山南海界

象岡在清泰都其形如象

五龍山在城東北十里停步羅塘二都與鶴山相接五山

奔伏中有圓阜俗呼五龍爭珠山

鶴山在城東北十五里停步羅塘二都高三百餘丈覆五

里世傳有仙鶴止其上

馬鬃岡在城東北二十五里古壩都靈雲山之來脈也步

州竇水出其麓

靈雲山在城東北三十里范州都尖峯插漢頂有石泉泉

高明縣志

卷之二

地理 山川

十

有錦繡魚旱禱輒應旁一山聯峙名曰三台

三台山卽靈雲山別麓三峯聯峙故名

水蕉山在城東南二十里清泰都中有大石澗澗水盤流

多生水蕉鄉人築石陂於山下取水灌田

仙跡岡在羅格村頂有一石足跡宛然世傳仙跡

龜峯山在縣東四十里山體皆石突出江畔西江水皆匯

於此其麓有蟹眼泉石數武有犀牛洞

大清一統志 山坐清

溪都明區大相大倫建塔其上

府志

七星岡在官渡汎形如七政橫亘河中爲一邑捍門

川

倉步水一名滄溪亦名倉江源出老香山東流二十里至

合水村雲宿水注之又東二十里至更樓村文儲歌樂

諸溪注之又東二十里至米阜鹿峒西北諸溪注之五

里至南岸幕田小溪注之十里至小白鶴鹿峒東溪注

之十里至清泰楊梅大溪注之步州竇小溪注之十里

至牛圍口范州水注之十里至官渡頭澶潒水注之又

五里大楂小水注之又數里八大江

清泰水出奢山東流三十里與暗竇水合又數里與黃沙

羅漢水合北流十餘里入倉步水

范州水在縣東三十里源出靈雲山經范州上接府東南

高明縣志

卷之二

地理 山川

十一

之北港水下匿牛圍水入倉步水

先是北港引大江入鄉民病潦元至正四年太平都民

夏祖蔭奏塞居民各請港為魚池內潦無洩新羅范州

都復受其害萬歷九年知府王泮因士民之請通港設

竇名曰騰蛟港

王湍記端水國也南為大江即泮河之水源出夜郎北日後瀝東北諸水注之

春夏瀦潦下聞為汙余既蒞端乃採羣議鑿渠南注於

江築隄度梁以時蓄洩命曰躍龍已竣事矣北港者罪

河支流也界要明之交平疇廣衍士民濱港而塵者無

慮數千百家港口曰練濬地稍亢秋冬安流則南通倉

步復迤東抵三洲都含與大江合紆迴幾二百里元至

正間沿江為隄以防西潦久之填闕居民稍稍為塘日

規月築水益無所受而凌雲白露諸山水湍悍數為敗

壓土田害滋甚民大患於是父老上其議余亟躬視謂

江朋從來者遠盍廝渠以引之就練濬為竇門如躍龍

便乃講之制府劉公亦報可筴其費凡七百緡發帑釀

金蠲港稅而償其直命圩長濬故道分官董之數月以
竇告成名之日騰蛟自是啟閉以時兩則分洩內潦旱
則引潮溉數萬畝窪亢之田悉為膏腴渠皆可行舟
余慮歲久復堙費難卒辦萬謀之嗣守鄭君君素勤民
覈港口上下魚苗十一埠及梧州二渡輸餉之羨與竇
坦鋪租歲獲二十金有奇定額下邑令積貯之為簿正
胥役費焉真可行之久遠矣余故記之以告後
之人始工於辛巳年十一月訖於壬午年三月十六年

知府鄭一麟濬港通水建閘築橋

鄭一麟記西江由小

斯為港至范州過倉步又過於三洲又過於都含入於
海一支流也勝國築隄以防西潦并口港已復堰而豢
魚憲副王公初守端因士民之請開港設竇名曰騰蛟
以出納水萬世之利也第竇雖設北浪砰礮雖鋼南山
之石不能固隄於外以衛竇閘於隄以引江橋於閘以
通道當時業議之矣填闕久故港未能即通港未能即
通故隄未能即築隄未能即築故橋未能即建王公望
治豈不孳孳施之有漸固難旦夕責也不佞於公何能
為役幸隨騏驥之後策蹇駟以追趨士民舉前事望予
敢不敬諾先之以高明令曾君宗烈申之以高要令蕭

高明縣志

卷之一

地理 潮汐

十一

君九章經歷周遵誼乘擣以先畚耜而港通矣江與潮
會於范州靈雲白露之人生平不見水咸相與鵠立兩
涯望洋而歎喜可知也隄橋之役非二百緡不可先是
子以魚步市廛修港歲有儲佐以俸錢贖緩若王公羨
饒若士民釀金財用足矣築隄江濱延袤千尺磬石為
閘隨水消長而上下其懸若漕渠然閘上為橋亦日騰
蛟困竇也是役也刺史鍾君大咸孝廉譚大寧譚邦傑
諸生羅魁春杜應奎羅黃琮洗會科羅建婁麥大升鍾
方羅建軫譚聖教關汝屏等皆贊襄者而諸生羅建箕
林揚圩長譚文確賴文禎身任其役始事於戊子孟夏
凡三月
橋成

石頭陂水在清泰都源出蕨村諸山謂之黃沙水至楊梅

墟下入楊梅水

峽口暗竇水舊志在田心都水自石竇出流四十餘里灌

溉一方土田四時不竭今考即龍洞水也出楊梅峒深

谷中流經橫坑井頭諸村合楊梅水入倉步水

步州竇水舊志相沿訛稱古壩水也今考源出古壩都鶴

山馬鬃岡諸山辨詳府志

澶澹水卽官棠水也出官棠諸山溪流經高要古耶羅岸

高明阮涌新村至官渡頭入倉步水

鹿峒水源出鹿峒山之北經樟村至沙岡上入倉步水

古壩水出擔車嶺東繞古壩村流五十里入於江

按舊志古壩水之下有泥澹水三洲水都含水今考泥

澹并無水源不過圍內之水從竇穴洩出三洲水亦然

若都含不過倉步之水至此大會於江俱非別有一溪

高明縣志

卷之二

地理 潮汐

十三

也不必贅錄

黃之璧識

潮汐

說文朝日潮汐日汐氣升地沈水溢而爲潮氣降地浮水縮而爲汐

候潮之法以太陰每日所躔天盤子午卯酉之位而定其消長月臨於午則爲長之極歷未及申酉則極消消極復長以至於子又爲長之極自是至卯而消復至於午而極盛此其大較也然月順天右行積三十日始一週天每日臨子午卯酉四位時有先後故潮因之亦有晝夜蚤暮之不同高明至羅塘以下皆潮汐地也消長月分爲五節初一初二初三十六十七十八日潮夏辰冬午春秋已汐夏戌冬子春秋亥此則謂之平初四初五初六十九二十二

十一日潮夏已冬未春秋午汐夏亥冬丑春秋子此則謂之落初七初八初九二十二二十三二十四日潮夏寅冬辰春秋卯汐夏申冬戌春秋酉此則謂之敗初十十一十二二十五二十六二十七日潮皆同上惟春則已汐皆同上惟春則亥此則謂之起十三十四十五二十八二十九三十日潮夏卯冬已春秋辰汐夏西冬亥春秋戌此則謂之旺其期與順德南海新會同但消長之勢差緩耳

按潮自厓門來猶近西入於羅塘停步南入於大沙水抵田心北入於牛圍水止范州

縣城街巷

高明縣志

卷之二

地理 街巷

十四

縣前正街 在縣治前

南街 在南門內

北街 在北門內

城隍廟街 在西隅以城隍廟名

學前街 在儒學門前

分司前街 在司前接北街

下堡街 在東門內

南津街 在南津亭東

譚巷 在縣治東

楊巷 在城隍廟街

朗第巷 在義士祠西

譚巷 在縣治西

黃泥巷 在黃泥塘

下堡巷 在東門內

謝巷 在西門至北門有路通後山

鄉都圖 村附

清泰鄉

上倉步都

大唐美村 楊梧坊 細周村 祿堂村 村頭村 海坦村 侯巷 樂和村 周田村 現下倉二圖 三玉里村

下倉步都一圖

世唐美村 幕田村 古柳村 天湖村 圍坊 瓦窰山 麥湖村 白鶴村 芙蓉村 海坦 濠基村 禾倉村 鐵鑪莊 崗脚村

下倉步都二圖

長慶村 永保社村 羅穩村 攪岡墟村 龍潭村 橫岡村 山底村 深水村 程村 新舊村 多松坪村 周田村

高明縣志

卷之二

地理 鄉都

十五

大幕都

羅霖新村 茅村 墳前村 新圍村 都眷村 甕岡村 甘羅村 歌樂村 重和里村 大幕上截村 塘際村 波汨村 羅象圍村 馬頭嶺村 水鎮村 水尾村 雲春新村 大幕下截村 雲春村 品村 宵邊村 茶田村 上獨岡村 梧桐村 石凹村

沙村都

沙村 羅丹村 新寨村

崇步都一圖

黎坑村 洋湖村 嚴田村 崇步村 潭湖村 白沙村

石嘴村

崇步都二圖

村無

朱塘都

龍珠村

停步村

吉岡村

鵝村

雲良崗村

甘棠村

千歲村

利村

蕉坪村

太平都一圖

東關墟

潭邊村

橫岡村

穩水村

水邊岡頂村

小塘村

埗尾村

東橋村

麥屋村

橋頭村

岡邊村

太平都二圖

高明縣志

卷之二

地理 鄉都

十六

新山村

南河村

平岡村

溫邊村

高田村

茅逕村

謝邊村

廟邊村

大穩村

洗村

細穩村

崇化鄉

楊梅都一圖

對村

楊梅村

桂村

雙猿村

羅格村

雙傑村

鹿峒村

黃坭塘村

楊梅都二圖

井頭村

塘下村

三畝石村

風凹村

橫坑村

坑尾村

石坎村

新稔村

獨州村

攬坑村

塘窩村

平嶺村

新村

太平坑村

際村

舊宅村

禾草塘村

西坑村

公田村
大坑村
大布村
麥坑村
柏木村
石久村
崙口尾村
寮頭村
塾坑村
百足山村
蕨村
大田村
皂角根村

羅塘都一圖

豸岡村
東亨村
雙埗村
官田村
鐵冊村
水邊村
塘口村

羅塘都二圖

羅塘村
平山村
洗村
龔村
芹水村
陳村
三台山村
海埗村
古斗村
朱岡村
宋坑村

田心都一圖

古水村
岡頭坪村
良村
山平村

高明縣志

卷之二

地理 鄉都

田心都二圖

僊村
孔堂村

田心都三圖

倫埗村
塘邊村
泥濬村
鐵岡村

清泰都一圖

清泰四鎮村
榮保村
黎屋邊村
岑水村
大楠村
清塘村
鄧屋邊村
矮岡村

清泰都二圖

獨岡村
圓岡村
東里上下圍村

古壩都

步州村
開莊村
俊州村

小凌村
水口村
李文車村

唐肚村
南岸村
唐窩村

依仁鄉

清溪都

勤學村
夏亨村

塘園村
石岐村

井溢村
幕岡村

岡頭村
唐溢二村

岡美村
顯州村

唐溢一村
官當村

羅俊都

扶麗村
禾州村

犀頭村
聖堂村

蘇塘村
逕坊村

上逕村
西邊村

阮埆都一圖

高明縣志

卷之二

地理 鄉都

十八

阮埆村
新村

蘇村
橫岡

阮埆都二圖

村無

親仁鄉

范州都

松塘村
圓眼寨村

丙州村
陳等村

范州村
松慶村

疊平莊村
石州村

展旗村
九龍坑村

玉堂村

景順鄉

塘華都

布練村
蛇塘村

波山平村
界村

澤布村
上良村
分上下二村

唐化村
都權村

高村都

高村
白崗村
成村

馬鞍都

田村
崗心沙嶺村
新為村
大為村
塘邊村

布社都

觀圍村
布社村
吉田村
松塘村

松坪村
水井村
松塘村

黃村都

黃村
白石村
陀程村
新田村

高明縣志

卷之二

地理
鄉都

十九

荔枝園村
古城村
瑤村下坊

小崗都一圖

小崗村
瑤村

小崗都二圖

蓮塘村

文儲都一圖

澤河村
竹園村
企岡塘村
水肯村

榕樹村
版村
益隆村
平岡村

文儲都二圖

平塘村
屏山村
橫村
東村
良田村
隴村

遷修鄉

良村都

朗錦村

鹿岡村

茶山村

岳塘村

柑園村

渡水村

羅慶村

華洞村

墟市

南門墟在上倉步都一四七日集

今遷東門外
即塔腳墟

東關墟在城東外一四七日集

今廢

沙江墟在楊梅都二五八日集

欖江墟在上倉步都每年八月三六九日集專鬻牛至十

月中散今遷天后廟傍

高明縣志

卷之一

地理 墟市

二十

仙村墟界羅塘清泰都一四七日集舊有墟亭燬於兵燹

光緒十九年經縣出示照舊修復

水口墟在楊梅都二五八日集有牛

太平墟在布社都三六九日集

久廢

長岡墟在高村都二五八日集

黎坑墟在崇步都二五八日集

今遷龍頭墟改
一四七日集

更樓墟在朱塘都二五八日集

合水墟在塘華都一四七日集有牛

以南水北水
交匯故名

新莊墟在新莊前俗名花燈墟每年元月初三村民桃各

式花燈在此發賣午後散

井頭墟在楊梅都一四七日集有牛係二十三鄉設

三洲墟在田心都三六九日集

高要南海新會順德東莞
鶴山數縣人民水陸並至

百物咸備舊在官渡頭百步上正德年間遷於欖根岡
下嘉靖三十八年洗善從在墟毆死人命商民懼累駭
散南海豪民乘機集於官渡南墟廢知縣徐純申呈按
察司旬月復咸豐九年墟民懼狃匪逼近搭鋪官渡汛
貿易知縣周士俊募勇駐虛保護商賈乃回墟買賣光
緒十二年江門街蓬廠失火延燒鳳陽街橫基街朝陽
街十字街崗頂墟頭街等處惟新陽
波石二街未被火災鋪商旋即蓋復

西關墟在城西外隔海南河里西一四七日集

范州墟在范州一四七日集專鬻牛今廢

新墟在清溪都一四七日集今廢

矮嶺墟在版村三六九日集

高明縣志

卷之二

地理 墟市

二十一

九灣墟在黃村都三六九日集今廢

平頭墟在良村都每年八月二五八日集十月中散久廢

新墟在崇步都二五八日集久廢

楊梅墟在蓮塘村界二五八日集

馬崗墟在布社都三六九日集久廢

上太平新墟在茶山隔海畔二五八日集

下太平墟在太平都內二五八日集

社學墟即舊太平墟在布社都三六九日集久廢

塔腳墟在城東門外一四七日集嘉慶二十四年知縣張

克振設

縣前市在城內治左街朝暮集

新市在城西外井山村朝暮集

仙村市在田心都朝暮集

龍頭市在羅俊都朝暮集

阮埆市在阮埆十字街朝暮集

蘇村市在阮埆都朝暮集

石竒市在清溪都朝暮集

羅俊市在羅俊都朝暮集

橋頭市在太平都朝暮集

石岡市在太平都朝暮集

高明縣志

卷之二

地理 墟市

二十二

澤河市在澤河堡朝集

迎祥市在布社村朝暮集

風俗

元旦夙興設祖先牌及遺像長幼於當天叩祝復拜牌懸

祖像少者向尊者祝遐齡尊者賜少者吉祥語爆竹聲喧

親朋以糝菓餅食酒肉往還相饋稱賀相晤各道吉祥謂

之賀年

立春前一日迎春裝戲劇鼓吹是日禮房僱夫役扛彩輿

迎土牛於縣東門外塔腳觀者塞途各婦女以穀米粟豆

撒擲土牛以兆豐年而已時恙

元宵夜懸花燈酌酒聚賞各村獻劇簫鼓歌謳燈光達旦
十六日及除夕各家田園蔬菜任人夜擷不禁謂之偷青
春社二月上戊各鄉劇錢奉犧牲香楮祀社稷神以祈穀
秋社亦然祭社分胙肉俾小兒食之語言聰慧

清明家家門前皆插柳並戴於鬢髻各上祖墳以白楮壓
墳頭具牲醴香楮菓酒飯團墓祭寒食曰壓紙又曰掃墓
其族大家富者至滿山俱白如隆冬雪片是日婦女攜伴
郊遊拾翠曰踏青

四月八日農家祀牛王及田神采香藤取葉雜糖米春粉
作糕餅以藤掛門楣以辟疫氣香籐有二種一名皆治籐
一名白面籐俱已風疾止冷汗辟疫氣

高明縣志

卷之二

地理 風俗

二十三

端午飲菖蒲艾酒食麻蛋角黍觀競渡以先後爲勝負硃
書符及艾蒲貼門楣婦女以硃砂生鐵蒼朮雜蒲艾諸香
屑用布帛作香包面書吉祥語俾小兒佩以辟不祥

夏至烹狗以壓陰氣羣小兒攜角黍往水濱拋擲沐浴以
袪除不祥

七月七日人家曬衣及書不蛀夜則婦女薦瓜果巧製相
鬪以乞巧俗以是日取水貯缸謂之七月七水浸物不變
中元以七月十四爲節備酒饌薦楮衣祀先祖婦女以圓
眼各菓相饋遺曰結緣沿鄉延僧道作盂蘭會超度無主

者故又曰鬼節

龍眼俗名圓眼

中秋家家市月餅及芋團柚柿各菓祀月親朋競以月餅
柚芋往來互贈是夜各家設酒穀月下暢飲名曰賞月

重陽登高飲菊酒謁祀祖墳小兒放紙鳶爲樂將霜降小
兒相聚拾瓦片砌成梵塔空其中藝薪燒火光從瓦隙激
射萬道星光如浮屠金碧輝煌燒紅毀塔以煨芋謂之打
芋煲兩手執瓦片叮噹相擊口中呢喃似咒走出村外將
瓦片棄去曰送芋鬼

冬至食魚膾壓陽氣是曰春粉及米經年不蛀

十二月二十四謂小年晚人家以酒饌菓品祀竈神竹枝

高明縣志

卷之二

地理 風俗

二十四

掃屋宇

除夕貼門神紅紙錢具香燭酒饌奉先祖及各廟社曰分
歲家家用米粉作條宰牲饗神合老少暢飲謂之團年婦
女晚出街巷聽言語美惡以卜吉凶謂之聽讖小兒競放
爆竹持花燈沿街喚賣虱賣猷農家浸穀種於竈上驗穀
生芽多寡以卜來年各穀宜忌又以穀十二粒祝竈神用
碗覆於竈上視穀動靜以占來年每月米價貴賤

冠禮俗名上頭率臨娶始冠於家廟既冠而娶親迎彩旗
鼓樂導以行親迎禮視貧富爲隆殺婚禮婦歸伴郎相壻
俟門以迎合昏選親朋少年饗郎及婦曰吃暖房飯男伴

以少男女伴以少女新婦明日見家廟執贄見舅姑獻幣
帛履悅荷囊於親友尊者三日後歸甯曰回面娶婦後多
分饜生子設宴曰薑酒曰雞酒親友以月柿花布衣致饋
按傳曰女有家男有室毋相瀆也禮曰壻親迎舅姑承
子以授壻恐事之違也先王之坊民若是其嚴乎邑素
敦古禮之子于歸少往多來頃因流寓他鄉染其惡習
漸有嫁而不歸者倘浸淫成俗大關風化非細故也亟
宜各整鄉規甚則請示嚴禁

區爲樑識

喪禮三日而殮成服既殯而葬衰經不解朝夕號哭一七
而止七七而衰親朋相賻間有狃堪輿之說數年擇地者

高明縣志

卷之一

地理 風俗

二十五

服闋奉主入廟每年逢忌辰必具酒肉而祭富者設祀田
貧民獻時物

士習簡樸業詩書尚禮文家有稅戶耕戶之分人有頭首
細民之別名分昭焉務耕織少工商節義廉恥出於天性
但循分自安無遠略亦其地氣使然也我

國家承平日久漸染涵濡風俗丕變彬彬乎醇厚矣

楊有聲論曰高明之隸端州次於四會陽春之後非土地
人民之讓於他邑也由高明設縣在成化十一年較之舊
屬肇慶者異焉雖然自設邑以來士敦詩書而尚禮義民
服先疇而喜耕鑿邑雖小亦稱沃壤矣昔郡守夏應台報

政載高明文風甲於端郡政賦易於催科語匪誣也粵東
都會惟廣州高明一水東流與南海合芻薪魚鹽之利取
給於廣州甚便焉西望香山則連綿數縣春夏之交雲蒸
霧合須臾雨下水卽達於南海澎湃洄漩亦奇觀也況乎
阜幕之又屏於東南也哉雖地枕新恩蚩蚩嘯聚山林時
爲百姓憂然賴良司牧恩威相濟則烏合之徒亦隨聚隨
散蓋下民樂業則盜自衰息徵之於前誠有然矣今入城
而考三玉名蹟一爲縣堂寬敞而高朗稍東則爲學宮爽
豁而秀起城外掛榜之山森森布列天時與人事相應水
浸龜頭之兆豈欺也哉

舊志

高明縣志

卷之一

地理 塚墓

二十六

塚墓

謹案塚墓當志境內所有若不在境內而以其
爲邑賢宜識其處也則當於表傳內敘之舊志

乃不盡然但相沿
已久今並仍之

宋禮部侍郎麥夢協墓舊新會界今屬鶴山

宋進士提刑譚惟寅墓在粵臺之陽一在阮埗新村

宋交州都巡檢使何彥墓在波泔村鹿洞山麓名仙掌

宋駙馬都尉楊鎮墓在官逕交椅山

元羅苛巡尉區源清墓在西坑大金交椅山

元都監劉青墓在良村都萼塘側隔海渴馬飲泉山

明贈廣西叅議葉貞墓在小崗都大湖山

明邱濬撰神道碑銘維大順六年冬十二月巡撫兩廣
僉都御史葉公盛以廣西慶遠府同知葉貞死事聞諸

朝請加以褒卹之典上俞其請錫以誥命贈貞朝列
大夫廣西布政司叅議命既下兩藩吏民及天下之
人聞者咸咨嘆感發以為聖天子褒嘉忠義都憲公扶
翼善類所以勵有位於非特為一葉氏也又明年廣東大
叅劉公僉憲張公來觀闕庭致都憲公之命於予俾書
葉君之事於墓道之碑予與君同出嶺表交好有素墓
道之文當為之執筆況重以都憲公之命哉君世家廣
東之高要所居鄉壤接廣右尚蠻時竊發為鄉人害君
不平迨官潯州又當郡蠻出人往來之衝熟知其地勢
險易輿情向背之詳每登高遠望慨然有一舉掃平之
志及來宜見賊勢益盛民生日蹙守將因循怯懦往往
撫機不發牧民之官又以責不在己不復動念慮民罹
其毒已極思欲奮擊之莫為倡率所轄州邑民餘無幾
嘆曰宜民盡矣及今不為後無可為之時每與僚吏言
之激烈泣下誓不與賊俱生聞者感動既條郡中合行
事宜建明於都憲公復與父老之有智慮者圖所以禦
寇之方甚悉增括民之丁壯什伍其人置長分領之民
爭赴集無隱匿者君躬鞍馬服弓矢申號令訓練之諭
以保衛鄉井之意莫不踴躍奮發思欲一戰尚酋韋父
強者積年劇賊也數欺官軍時或跳梁城下無敢誰何

高明縣志

卷之二

地理 塚墓

一二十七

之者君以計生擒之兼還所擄子女畜產之類自是賊
雖稍戢而其徒狃於常勝益憤恥互相糾結思必甘心
於君后已未幾賊大集圍旗山民告急守將恬然若罔
聞知君亟率民壯趨赴之賊望軍容整甚非往昔比不
戰自潰子女在擄而得逃生踰千人君既旋兵賊知無
繼援潛躡其後君返旆與戰所殺略相當是日君之子
公榮死焉君知賊不得意去必再來嚴為備會所屬東
蘭河池二州土官遣兵持牛酒士物來謁君一不受
諭之曰若等能為我出力勦絕蠻寇就以此為犒賞之
資士兵亦忻然聽命越兩日賊合眾來攻雞刺等村
報至君躬請於哨守都指揮黃鉞日民危矣我輩為民
父母不一援之忍乎時黃方與黃知府會飲學宮力止
君行曰尚猺圍村寨此常事耳君何用操心為哉激變
之罪君獨當之某輩不與知也君鑄諭再繼之以泣二
人者略不知省君怒拂衣去乃號召民壯及二州
士兵會西府廟前所作誓書諭之大率以忠義相激發
也眾義其言咸感憤願效死力遂分兵東西二路行
至中途柳青鋪前賊遽突出人頭山下橫衝我兵君麾
眾與戰連數合戰無後援賊眾益熾賊物色不得君所在
攢矢刃向之君身被數鎗猶手刃一眾寡不敵與從

姪官慶民壯璩用和等三百人皆死之時歲己卯二月
二十八日也是役也忌君者恐其成功潛遣人泄機於
賊以致於敗嶺南素無雪是日雷雨大作平地雪深尺
許賊大驚異遺下所據人畜棄圍去郡人聞君死老穉
號呼循山谷遍求遺骸明日乃得其首他處相與裹滌
數日始殮神色不變寓櫬城下手香燈為文祭哭者相
屬不絕忌者雖快君死中懷疑懼反以激變誣君帥府
人具言民不勝憤相率叫號走千里愬於都憲公事竟
得白於是自總戎以下咸遣人祭賻仍檄沿江兵護其
喪東歸以某年某日某日葬其鄉大朗山之原至是褒
贈命下巡按廣東監察御史命宜人置屋祠之君諱貞
字夢吉號確齋幼補弟子員以毛氏詩領宣德乙卯廣
東鄉薦連試禮部得校官輒辭不就卒業太學者久之
解褐得潯州府同知丁母彭氏憂起復改鳳陽府專職
撫民所至取古良牧守之政宜於今者行之其始也人
皆目以迂僻及其久也莫不翕然大服以化君性勁特
外若閒曠而中實確然有守利害禍福所不顧與人言
竭盡底裏不復回護避忌周人之急惟恐不及妻子不
免饑寒不恤也赴官於宜道遇郡人為太學生者以乏
絕告探囊無所得遂貸同舟者白金十兩與之其好義

高明縣志

卷之一

地理 塚墓

二十八

多此類自幼至長耽嗜文籍雅好吟咏曾祖榮祖子茂
父隱翁三世皆不仕配謝氏有賢行子二長即公榮次
汝華今為郡庠生嗚呼君死時春秋僅四十九耳官止
一郡佐凡歷三郡未滿一考使其久於位焉而所居之
位有大於此者其設施必有大可觀惜乎不然也雖然
假令君居大位總要權享高壽方且澠忍媿媿隨時上
下生無補於時死無聞於後又孰若一死之為榮哉噫
志莫大於殄寇事莫重於捐生若君者亦可謂烈丈夫
者矣其平生行事可書者多予於死事特詳者書所重
也因系之以銘曰皇風穆清萬邦底寧何辜此方獨不
聊生捐軀報國從古則有去矣邈綿莫執其咎豈無虎
臣亦有重兵方恬且嬉莫懲以膺盜日競止民曰病止
身且弗有遑恤田里致我增嘆來我興悲乞葉侯獨
起當之乃簡丁壯乃脩器械率其子弟以敵所愾指心
誓天奮不顧身期殄醜類以康我民賊眾我寡救援不
至豈敢弗支碧血染地匪賊之能匪我之辱我內自
戕為賊耳目侯之死矣與子姪俱日髦日倪顛天號呼
父死不殮兄亡不弔家哭巷祭惟君是悼豈云人悼天
亦哀慟未雷之天而雷忽斯轟不雪之天而雪忽斯零
草木鳥獸亦為愴情彼獨匪人或幸其害匪徒掩功乃

加之罪天定勝人公道終明可死者身不死者名褒贈
有詔血食有廟流芳史冊千載有耀都臺興喟表石廟
門我銘以詩慰其真魂
譚南昌謁葉參議墓詩行卓才高世共憐平生忠孝兩
俱全封官曾被五花誥歸櫬無餘一俸錢山有鄂王墳
上樹花無蘇老廟前蓮薇垣惟識嘉忠錄留與人間萬
古傳

明縣丞譚南昌墓在官逕嘯天獅山

明同知楊以智墓在楊梅都麥塘山

明同知贈大理寺少卿區益墓在高要古耶界橫岡鳳山

明黎平知府譚大甯墓在劉村都黃麋湖

明同知區配乾墓在雙傑山

以上
舊志

難墳眾善三墓在朗錦村前撻鹿坪三塚排葬西向嘉慶

高明縣志

卷之二

地理 物產

二十九

十年朗錦鄉官何模暨闔鄉爲勒石墓前

物產

鼠牙黏細如鼠牙色味俱佳以米后有黑點如蠅矢者爲

最

牛粃糯米圓如珠白如玉大如豆補中氣潤腸胃

薑味辛性溫可入藥有大肉薑良薑黃薑黑心薑山薑惟

山薑不可食其梗可爲索

蕨赤蕨水漬數日可作蔬青蕨作粉可療飢

筍所在皆有塘際最美

山茶出老香山各處大山間有葉大如掌善化食滯消暑

氣

泡木色灰紫乃無始以前之木江海山坑泥沙中往往挖出質堅不朽火之不然性輕浮蛋戶取以繫網罟

桑種園苑者肥美田原者次之年收六造末造曰寒造秀麗園近年業蠶之家將窪田挖深取泥覆四周爲基中凹下爲塘基六塘四基種桑塘蓄魚桑葉飼蠶蠶矢飼魚兩利俱全十倍禾稼

芑草爾雅釋草所謂士夫王也兩年一割種於山谿者曰逕芑質細勁作臥蓆良種於窪田者曰湖芑質粗軟作包蓆裹鹽及包物婦女恆織以爲業

高明縣志

卷之一

地理 物產

三十

樟木山原皆有性辛辣皮已風疾產天蠶作絲可爲絃線可爲釣線有二種大葉蠶少細葉蠶多

榕木所在多有分二種小葉者槌其葉漬以酒能消惡瘡大葉者懸鬚直而長甚韌油浸作棒桿刀刃不能入作担挑重不折村落社壇前後左右多樹焉

走馬台直幹無枝每年葉應月數葉如枇杷無毛背微紫邊起小牙嫩有小毛茸茸可愛止崩砂如神出老香山甚難得得者移回盤種寶如拱璧

釣鐘花產老香山葉似荔枝花如小鐘每簇九個或十二個下垂如鐘蒂綴小粒如珠亞於頂湖爛柯諸山

杜鵑花產城南鹿崗山瓣有指紋印如硃而色深春月花

滿山燦如錦霞

夜合花出田村後山

千歲子一名青翠葉如鳳尾蕉子在根下一苞數十顯殼

黃肉如粟味稍淡俗名石斛

魚花魚苗也秀麗圍上下皆有魚花步來自西江種有四

南 水多鯪柳州水多鱖桂林水多鯪九江魚佃望

電光卽知魚苗來處

野鳧形如鴨稍小者 綠翼謂其翼有翠毛也夏秋間千

百成羣乘大霧而出味極美性滋陰療瘧疾

高明縣志

卷之二

地理 物產

三十一

白鷺高腳修頸色純白形類鶴頭有毛數條如綉穗頂翼

丹棲止水際食魚蝦土人羅而致之

舊志黃之璧曰土俗物產之志所以昭異也如燕冰不

泮越草不零魏風刺儉曹風刺奢舟車異用冠髻異尚

志一邑者不同於他邑志一郡者不同於他郡俾觀者

知其爲某邑某郡之士俗物產也高明爲高要分縣

去省郡不遠吉凶往來歲時讌集一如省郡至若物產

所出爲省郡所有或爲高明所無爲高明所有皆爲省

郡所有無庸再志然而懼其缺也澗壤不棄遂成山川

今刪舊志聊存其半仍附篇末匪敢以示異也正以徵

其同耳

高明縣志

卷之二

地理
物產

三十二